



PENGARANG, MEJA BERITA

UNTUK SIARAN SEGERA

KENYATAAN MEDIA

**PENDENGARAN AWAM OLEH EAIC
BERHUBUNG SIASATAN KEMATIAN
N. DHARMENDRAN A/L NARAYANASAMY SEMASA
DALAM TAHANAN POLIS**

15 Jun 2015 - Suruhanjaya Integriti Agensi Penguatkuasaan (EAIC) pada 28 Mei 2013 telah menubuhkan satu Pasukan Petugas (*task force*) di bawah seksyen 17 Akta Suruhanjaya Integriti Agensi Penguatkuasaan 2009 [Akta 700] bagi tujuan mengesan sama ada terdapat salah laku dalam kes yang melibatkan kematian N. Dharmendran a/l Narayanasamy semasa dalam tahanan polis.

Terma rujukan (*term of reference*) Pasukan Petugas yang telah ditubuhkan itu adalah berikut :

- i. Untuk mengenal pasti sama ada terdapat sebarang salah laku seperti yang diperuntukkan di bawah seksyen 24 Akta 700 oleh pegawai PDRM semasa mengendalikan tahanan tersebut.
- ii. Sekiranya terdapat salah laku dizahirkan, untuk menentu dan mengenal pasti:
 - a) bagaimana dan mengapa salah laku itu terjadi;
 - b) apakah peraturan-peraturan, kaedah-kaedah, Standard Operating Procedure (SOP) atau mekanisme yang menyebabkan atau mendorong kepada berlakunya salah laku tersebut; dan
 - c) individu yang bertanggungjawab ke atas salah laku tersebut.

- iii. Untuk mengesyorkan apa-apa penambahbaikan atau menggubal semula peraturan-peraturan, kaedah-kaedah, SOP atau mekanisme bagi memastikan salah laku tersebut tidak berulang.
- iv. Untuk melakukan semua perkara yang suai manfaat atau yang semunasabahnya perlu bagi, atau yang bersampingan dengan, pelaksanaan fungsinya dalam menyiasat kes kematian tahanan tersebut selaras dengan peruntukan Akta 700.
- v. Untuk menyediakan dan mengedarkan laporan mengenai hasil siasatan dan dapatan yang dilakukan.

Siasatan Pasukan Petugas yang ditubuhkan itu dibantu oleh tiga orang juruperunding yang dilantik oleh EAIC mengikut bidang kepakaran masing-masing. Selaras dengan peruntukan seksyen 34(2) Akta Suruhanjaya Integriti Agensi Penguatkuasaan 2009 (Akta 700), pendengaran awam tersebut akan dipengerusikan oleh Pesuruhjaya EAIC.

Adalah dimaklumkan, lanjutan daripada siasatan awal oleh Pasukan Petugas (*task force*), EAIC akan mengadakan suatu pendengaran awam (*public hearing*) mengikut aturan di bawah seksyen 35 Akta 700. Pendengaran awam tersebut akan diadakan seperti berikut:

Tarikh : 27 hingga 31 Julai 2015
17 hingga 21 Ogos 2015

Tempat : Tingkat 13, Menara TH Perdana
Jalan Sultan Ismail
Kuala Lumpur

Masa : 9.00 pagi hingga 4.30 petang

Sesi pendengaran adalah terbuka kepada orang awam dan pihak media.

-TAMAT-

“INTEGRITI DIJULANG NEGARA BERMARUAH”

Saya yang menurut perintah,



KAMAL BAHARIN BIN OMAR

Setiausaha/Ketua Pegawai Eksekutif

Suruhanjaya Integriti Agensi Penguatkuasaan (EAIC)

15 Jun 2015